

Fi bâ bon dè vèni sô!.
=====

Ernest :Propriétaie de la mule
Antoinette:Femme d'Ernest
Ursule :Fille à marier
Jean-Etienne:Amateur de la mule
Pierre :Prétendant d'Ursule
Adrien :le boucher du vullage
Antoine :Monsieur le Curé
Alfred :le médecin

*Jean Etienne
Berthe
Ursule
Pierre
Adrien
Antoine
Alfred*

* * * * *

Arnèste :ein trein dè bouré la pipa kreyé:Touénète! .

Touénète :(aruvè ein sè panein li man avoui lo foeuda)Tie yè?

Arnèste :Tie tâ !.

Touénète :Mi, toe m'â kreyo, tie yè?

Arnèste :â...Tè fau alé vè lo boutche, Dreyein, vouai y demandé vouiro
tâsèrai la mula.

Touénète :Por tiè, toe voeu la veindrè?..

Arnèste :Kouemein? lè pâ deveindro?...

Touénète :Tè deya, :toe voeu la veindrè ?...

Arnèste :vouè, ye vouai la veindrè.

Touénète :Adon atein on bokon, sai ein trein dè mètrè kouairè le râvè.

Arnèste :Kouemein?...tè dzeyè pâ?...

Touénète :Tè deyo d'ateindrè n'a vouèrba, ye vouai mètrè kouairè li râvè.

Arnèste :A... (Touénète sortè)

Arnèste :Vouè, mè fau veindrè hla mula è marié Chula. Vaidè-vo, kan on pàs
la soesanténa on n'anmèrai bien tie li maino sè mareyesson. Non
tra Chulà, l'è pâ n'a tota dzeinta bouba. Avoui hla varouye tie
d'a su la dzouta è lo nâ on mouè tyuè, dè proeu pâ tan bèla, mi
ateinchon, d'a n'a bona situachon; lè pâ rein, sein... Avoui lo
tzan dè la krouaizèta, lo pro dè Loutze, lo kouerti dékoûtè la
lètèri, li vatzè, li tchurè, la mula, la trouye. Mè muzu tie d'a
proeu, mâloeur dè mâloeur!...
Pièro du mouenai, yi galoepè brâmein apri. Mi Chulà dè pâ tan
épintâye tiè sein. Lè vèré tie si Pièro l'è on bokonè bon Djan,
mi l'a pâ mau asoebein, pouai l'a lo mouelin, l'è pâ rein sein.
Krayo tie Chulà d'anmèrai mi lo boubo du foueratai, mi si, s'ein
kri tan di tie l'è aito nomau pô firè la vezata di bornè, tie d
pâmi bondzo a gnon. On deré tie si pouro krânatzon lè aito firè
la Sorbône. Martzè tan reinvarso, tan reinvarso tie dè n'a vouèr
a l'âtra va tzè a la rèversa. Lo Prèzidan ya baya hla place dè
vezatieu di bornè joesto pô lô tènè pô li z'éléchon.
Apri to, mèrda, Chulà de farè mein de voeudrè, yo yé d'âtrè badi
a firè tiè dè m'otiupé di galan tie yi galoepon apri. Vora la
prèmiere tzouza, mè fau veindrè hla mula dèvan tie de mè krapes
dein li teinplè.

Touénète :(aruvè avoui lo boutche)

Arnèste :A...Bondzo Dreyein.

- Dreyein :Bondzo Arnèste
- Arnèste :Toe di,atein n'a vouèrba.
- Dreyein :Deyo pâ,atein n'a vouèrba,vo zé de,Bondzo!-
- Arnèste :A!...T'é fi vèni pô tè firè tssé la mula,voeudré la veindrè.
- Dreyein : (ein sè vreyiein du bi dè Touénète) Bon!mi adon yanmèré bein la vè dein tiyein éta dè.Por sein tie se dè se migra tiè hla dè Dja d'èin sòn vela!.Kan lé tyau,li mèdou bokon l'ère li dyidè *rinndyè*
- Touénète :Pâ,toton!...de sarè pai pâ migra a si poin.
- Arnèste : (A Touénète) Tie di Dreyein?
- Touénète :Ye voeu alé vè la mulaa...
- Arnèste :Por tiè vè Chulà?
- Touénète :Pâ Chulà,vè la mulaa...
- Arnèste :A ~~xx~~! ~~xxxxx~~...è bein,alein pie. (Nèstè è Dreyein sorton.)
- Touénète :A ha!. Arnèstè sè kanmimo désido a veindrè la mula.Lè d'abô lo momein.Mi sarai ju pie prèsein dè marié Chulà.La mula no rein kê pâ mau dè sarvicho.Lè proeu vèré tie Chulà no vouardè li vatzè, d'aidiè a firè li fein.De lâvè li z'âdon.Mi n'a partia du tein c lo pâsè dèvan lo mérioèu pô sè fegnoilé.D'a te a firè avoui si chignon è li flafla,mè muza tie de sè fouo dè poeudra è dè tyeir pè la fediura.Yè dè vouèrba tie de rèseinblè mi a on tzavouan ti a n'a maréna,pouai yi fau on u dou foeuda dein l'an sein vin d'a boe tchè.E Chulà dè pâmi tan dzevena d'a treintè sin k'an.A si âge on kouemeinssè pâ mau a pédrè li formè è li kolou.Mè sinblè tie di kâtiè tein de vin fran inpouesibla.Chuvein tyeintoeu dzo dè détrakaye dè tô;mi tiè firè?.pô sè mârié fau itré dou.E se Nè tè voeu veindrè la mula lè pâ yo tie vé lo kontrèvèni.Kan l'a k tiè tzouzè pè la tita ye démouè pâ è fi pâ bon lo kontrareye, sarai détrako pô n'a senâna.Se sai a mein pâ tan sô on porai prèdjé avoui yui.Mi mon Dioe,tyinta broeta tzouza.Demeindze pâs l'a volu torné atioeuté li kryeè,mi l'a rein konprai,bin chuire E u youa d'alé mené li vi in-nâ u farâdzo,lè partai avoui li tchurè a la bardzèri.Mi kouemin l'ère pâ lo tô a yui,n'a vouèrb apri l'è torno arouevé grindzo mein on tza vicoeu.Avoui Chulà no sein visto partaitè no kathe tælamein tie teinpètâvè.E à Pâtiè kan lè aito sè konfèsé,sè son tioe mouezo tie s'éron apeya avou lo kapouetzin.Pô fouerni lo kapouetzin l'a kreyo a gordze déplè :lè bon,lè bon té baya l'absoloechon fo mè lo kan,saupli.Toe,vo deyo proeu,yapreyando on n'an pō l'âtro dè vè arouevé Pâtye. (Arnèste è Dreyein reinton)
- Touénète :Bon...vouàroueva infein.E vo yu la mula dein tyein éta dè?...
- Dreyein :Vouè,vouè,...de la minè pâ lardze.Tyein âge d'a?
- Touénète :O yo sé pâ,mi ein tioe ka dè a se viede tiè mè.
- Dreyein :Mè seinblè tie voué yé baya pie sovein lo chouaton tie lo sddlèdzo.
- Touénète :Kanmimo,kanmimo,fau pâ derè so tie lè pâ,noe yein toti proeu b a medje,mi d'aruvè pâmi a mâtche,d'a pâmi dè dein.
- Dreyein :Vouè,adon dè anplamein proeu paya avoui mele fran,mein yé de a Arnèste.

- Arnèste : (ein sè gratein la tita) Toe di tie la mula de vâ enkô dou mele fran?
- Dreyein : Vo zé de mele fran.
- Arnèste : Bein pô dou mele fran sai d'akô dè la veindrè.
- Dreyein : Vo deyo pâ dou mele fran. Vo deyo mele fran....
- Arnèste : (sè laivoe, ayeno) Mele fran! t'a de mele fran! è bein pô si pri la vouardo mein dè. Hla mula fi enkô die z'an. Ye vé vora l'atèlé è tieri on yadzo dè sin oeutrè a la Râra. (Arnèste sortè) in mōro-nein) ye di a Dreyein: Ti mèdou pô fotrè bâ lo pri dè la mula tiè pô paye li tzèvri.
- Touénète : Na, na avoui si kô yè pâ moyein dè s'einteindrè.
- Dreyein : Se Arnèste troeuvè kakon pô yi baye dou mele fran dè hla mula, è bein yo mè fizo kapouetzin.
- Touénète : On poeu pâ diskuté avoui yui, lè fran tra sô.
- Dreyein : Lè te aito vè on titologue?
- Touénète : Tie lè sein, on titologue?
- Dreyein : Lè on mèdècin tie sognè la tita.
- Touénète : Na, na... l'a jamaein volu. Ye di tie sein l'è d'arzein fotu via pè la fènitra.
- Dreyein : Lè pâ a Milan, yin n'è on a Bovargne, tie kognè bien pè la tita: So tie lè du nâ, dî jouai è di z'orèdè.
- Touénète : Kouemein noe vein firè por tie sai d'akô.
- Dreyein : E se voue fazi vèni lo mèdècin sein yi derè? On gnadzo tie lo maidzo sarai intie, l'uzèrai pâ derè tiè na...
- Touénète : Sein l'è on idé. Mi mein firè pô alé trové si Moesioe bâ a Bovargne.
- Dreyein : Ye pouai alé lo vè se toe voeu. Vé stoeu dzo tie vin bâ a Bovarg tieri on bossè dè Goron.
- Touénète : Bein, sé d'akô. Toe sâ, se on sai chuire tie puissè lô vouari, badè ré proeu pô n'a mèssa a St Barnâ.
- Dreyein : Fi tè pâ dè bila, m'otiupèrai dè sein.
- Touénète : E bein, yè tè rêmarcho bëin. Kah sondze tie l'érè dza bramein sô kan l'alâve à l'ékoula. M'a ju konto tie on kou tie fazan la di lo rèjan l'ai yeju on passadzô tie dezai: des champs de choux" yui l'a konprai : dè tzè è dè tzou" Lo rèjan yai konto dâvouè fo pouè la ri mein on boyè.
- Dreyein : Tyinta bitié dè rèjan yérè lé. Adon yè n'a vouèrba tie lè sô, si poure-tè
- Touénète : E kan noe no sein mario, lo dzo di nošè, a l'edaize m'a tan fi vargogne. Se yéso pochu mè saré katcha darai l'oeuta, u bein fot lo kan. Sépa se mè saré mariyaye è portan yé pa uzo boeudje. Kan ye sondzo a sein vora..., mè vin li lègre mè.
- Dreyein : Pâ totton... à l'edaize?...

- Touénète :Bein, bein kan k'einkouera ya demando se mè volai kouemein époeu-
za, ye rèpondai rein. L'avouyai pâ. A boue dè n'a vouèrba l'inkouera
sai pâ tiè firè. Mè radavè avoui dè grô jouai. Adon yé éprouvè dè
singué a Arnèste pô yi firè kompreindrè tie l'inkouera volai
savai se l'érè d'akô dè sè marié avoui mè. M'a râdo drai dein li
jouai, pouai to d'on kou la kreyo fô:mi, Touénète, toe sâ proeu tie
té de l'âtro ni darai lô râkâ.
- Dreyein : (ein reyein a krapé) Lè pâ poessiblo... dè tzouzè deinsè...
- Touénète :Toe, te poeu rirè, mi por mè, tyinta vargogne... Yavouiyé tiè rirè
bâ pè l'edaize. O!... la broeta tzouza... Kan sondzo a sein. L'in-
kouerâ ai pâmi tie fazai tan lè ju soefoko, l'ai li baguè a la
man draite è sèpâ se l'a pâ de la prèyere di mô per on bokon.
- Dreyein :E bein soce lè n'a konta tie yé jamein ju avoui. On n'è ubledja
dè rirè, è portan tie toe voeu? Vora fau pacheinté yè pâ d'âtrè
badiè a firè. Estiuzè-mè Touénète, a mè mè fau alé. Tè deyo arè-
vouè è tan tia on n'âtra. (Dreyein sorte)
- Touénète :Arèvouè, Dreyein è bien gran merci. (Chula reintrè)
- Touénète :A!... T'aruvè d'intzan? li vatzè son te plémè ?...
- Chulà :Vouè, a pâ Tzâtagne. De fi tiè kavalé, vouai d'a passo bâ lo roevi
a Djan Piéro.
- Touénète :O! hla lé fodré proeu la lityidé dèvan tie l'arouevesè n'a fars
Dèman toe la lâseri u boeu.
- Chulà :Vouè!... Tzâtagne sarè proeu kouemein avoui la mula, lè on pètchè
dè li veindrè, por sein tie de son dè la raše a Pirè-gran.
- Touénète :Oeu'... Oeu!... piora vouora lè vènu lo boutche pô vè la mula, papa
voeu la veindrè.
- Chulà :Bein dèman n'arein proeu la naï.
- Touénète :Bein, bein, lè vèré
- Chula :Lè d'abouô lô momein dèvan tie noe la trovessin krèvaye u boeu.
- Touénète :Vouè, mi papa lè pâ d'akô avoui so tie Dreyein l'a tâsso. Papa
oeudrai dou mele fran, è Dreyein di tie avoui mele fran, la mula
amplamein proeu paya.
- Chula :Vouè, pô mele fran, dè proeu paya. Migra mein dè, dè y z'abouè, d'a
lô râti mein on tzapla-pade. Pè li tzoemin de dondonè mein on ti
sarai plein.
- Touénète :Tie vouè, tie vouè mi toe sâ mein l'è papa.
- Chula :Vouè, vouè, sé proeu mein lè. E a propou, yé reinkontro Dreyein,
l'érè prèssso, m'a joesto de tie lo mèdècin vegnai vouai pô vè pè
- Touénète :Mon Dioe, mon Dioe, pouai papa lè pâ lé.
- Chula :Yo lè, don?...
- Touénète :Lè parta tieri on yadzo dè bou avoui la mula.
- Chulà :Hla poura mula, a mein la lache krèvé trantyla u boeu.
- Touénète :Tiè vouè sein. Fodrai a mein tie papa sai lé kan veindrè lo
mèdècin.

- Chulà :Dioe sâ tyinta sêna noe vein avai.
- Touénète :Simblè tie tâ pâ bona kolou,ti pâ bien,u tiè?Ein tioe ka tâ pâ bona mena,tie t'â?...
- Chula :Mi...yé rein...
- Touénète :Sarai-te Pièrô u mouenai tie tè trakassè on bokon?
- Chulà :Tyaijè-vo,saupli;Yin n'é proeu dè galan.E tie sein mè prèssè dè mè marié,sai pâ bien a maizon?...
- Touénète :E bein,tan mioeu se t'â rein dè mau.Toe troeuvèri proeu a tè marié.Yé proeu trovo,yo...
- Chulà :O!...pouai t'â trovô on d'atake
- Touénète :Oeu!...Oeu!...A pâ tie lè brâein sô,lè kanmimo pa lo pie kapon.
- Chula :Na...Na..à se sai ju pie lon,pie épè,pie malin sarai ju garde du pape.
- Touénète :Traouva~~de~~ adi on tie chuisè rèpalé li tzan è porté lo fèmi pouai por tè sarai dza pâ mau.
- (Arnèste l'aruve du bou.)
- Touénète :T'âruvè enfin?T'â fi lon.
- Arnèste :Kouemein sai on soulon?
- Touénète :Deyo tie t'â fi lon.
- Arnèste :T'â fi lon,t'â fi lon...toe sâ kouemein dè la mula.
- Touénète :Portan toe dezé tie la mula fazai enkô die zan.
- Arnèste :Vouè,sai aito bâ i tzan.
- Touénète :Tè deyo pâ sein,tè prèdzo dè la mula.
- Arnèste :è poua~~it~~tiè,la mula ?
- Touénète :Vouè toe dezé tie la mula fazai enko die z'an...
- Arnèste :Die z'an,die z'an,toe komprein rein;lè bon pô derè kan on voeu veindrè,mi frantzemein prèdje hla mula dè fouernaite.
(takônnon a la porte)
- Touénète :Intrâ!...(intrè lo mèdècin)Chulà d'è dèvan lo mérioieu)
- Touénète :Vo vèni pô Arnèste?
- Mèdècin :Vouè(totzè la man a tioe)Lo boutche m'a de tie voue voli firè vè li zorèdè a Arnèste.
- Touénète :Kouemein y firè kompreindrè?
- Arnèste :Tie voeu si Moesioe?
- Touénète :Ye vein pô râdé li z'ôrèdè.
- Arnèste :Kouemein,ye lè gordè?...
- Touénète :Pô radé par-lé dedein(ein motrin li z'ôrède)

- Arnèste :Po lavé li dein?...
- Mèdècin :Lâssè-mè firè,mè débrouyèrai proeu.
- Arnèste :Kau t'a de dè vèni?
- Lo mèdècin :Gon,pâsso tche lui.
- Arnèste :Tiè?...sai on mâdyui?
- Lo mèdècin :Atiupa-tè pâ,lâssè mè radé lé dedin(ein motrein li z'orède)
- Arnèste :Radé tiè?
- Lo mèdècin :Radé intye
- Arnèste :(Ayeno)Vouetè lo palèto,lo tzapi,è fi sinblam dè voueté li pantalon è li botè)
- Lo mèdècin :Pâ manka dè tè dévétì(fi segno dè sè chèté pouai ye sortè son bataklan.Avoui n'a dzef~~o~~yi fo d'ivoue tie passè dè l'atrâ bie pè darai la tita.Radè ^{dein} i z'ôrède avoui n'a loenèta,pouai ésarvadja,sè gratè la tita,vortodè d' on t.dè l'âtro ein prè-dzin solè(Mi,mi soce lè pâ pouessiblo,on deraï tie on vai a travè,vouè ye vaiyo l'émadze kontrè la parai bâ lé.
- Touénète :Tie vouevaide,voue detè tie on pouè vè a travè?
- Chulà :Vora m'étonè pâmi tie on pouai yi fotrè lo portap^monna dein li z'ôrèdè pô sè démoré,boeudjevè pâ.
- Lo mèdècin :Baye-mè vi on mouè dè vouata.
- Touénète :Dè vouata n'in n'ein rein mi n'ein dè patè.
- Mèdècin :E bein,baye-mè so tie voué.(avoui on bè dè patè,boutzè li z'ôrède a Arnèste.
- Arnèste :Tie voue m'é fi,yavouiyo pâmi sosé la bise?...
- Mèdècin :Voue vaide,in boutche li z'ôrède n'in kopau lo korein.(in radei li marénè)yi vouetè li patè pouai badè la loenèta a Touénète.
- Touénète :O mon Dioe,yè on bouegan,on vai tota la parai dè l'âtre di bi(d badè li loenèta a Chulà)
- Chulà :Adon,soce l'è vèré...Yè on jôli trou rion.
- Mèdècin :Soce yé jamein ju yu.Râda ,a mè lè pâ la mima tzouza.
- Chulà :Ein éfè; A vo,^{de}son boutche:on vai pâ a travè
- Touénète :Mè seimblâvè proeu tie l'érè pâ mein li z'âtro.
- Mèdècin :Adon,intye pouai rein firè(rèmizè son komerce)
- Arnèste :Mè démando so tie yè tan à vè.
- Mèdècin :Voué,li z'ôrèdè tie on vai a travè
- Arnèste :Yè katiè badiè ein travè?Adon de son boutche
- Mèdècin : (Radè Touénète)Se selamein de san boutche.
- Chulà :E bein n'arein pâ fouernai d'avouirè kreyé per intie.

- Mèdècin :Vo fodrai bein avai dè pachinše avoui yui di vora.Por sein tie yè rein a firè lè on ka a pâ. Vo demandèrai rein pô lo déein-dzèmein voué dza proeu dè mizère avoui sein.
- Touénète (~~Bèemègèammpreimmbèszòaflozomèdèzèn~~ la man a tieo, è partè)
- Arnèste :Tie l'a de, lo Moesioe?
- Touénète :L'a de tie pouai rein firè po li z'ôrèdè.
- Arnèste :Ye volai rinšé li z'ôrèdè?
- Touénète: :Na!ye volai li déboutche.
- Arnèste :Li boutche?
- Touénète :Vouè dèvan ye fadivè li boutche pouai apri li déboutche.
- Arnèste :E bein l'érè pâ konpleko pô li boutche,yérè tie a fôtrè on mouè dè pèdze.(takonon a la porta)
- Touénète :Intra!...(Piero reintre,di saluè tieo)
- Arnèste :Toe!...Piero,tie toe fi dè bon?
- Piéro :E bein,ye vé (b)pâ mau.
- Arnèste :T'â fi dè mau?
- Piéro :Na vo deyo tie vé bien.
- Arnèste :Yo assoebein,yé mau a l'étzene,mi ye fau pachinté...:Chulà,va tieri n'a gota a bairè,toe prein dein lo bosatzon du kouein. (Chulàsortè)
- Piéro : (sè frotè li man)su l'étzena on mouai intrèprai)Vouè,sai vènu...sai vènu...pô vô demandé a marié Chulà.
- Arnèstè :Toe Piéro...Toe voeu adzeté la mula?
- Piéro :Na,yé voeudré marié Chulà.
- Arnèste :Bein,pô dou mele fran,sai d'akô,è toe fi on bon martcha.T'â yu la kropo tie d'a enkô.Toe poeu rondo yi monté su.Tè fau vè li dein tie d'a,è d'a n'étzena tè deyo.De medzè to so tie toe yi badè.T.â yu li biau pai tie d'a.Pouai toe poeu la karèche de boeudzè pâ on pia.
- Piéro :Mi prèdje-vô dè Chulà u dè la mula.Yo lè Chula tie vouai,mi pâ la mula.
- Arnèste :Bein sai kontein.Toe Piéro toe kognè a mein la valou dè la mula: è lè mein yé de pô dou mele fran dè a tè kan toe voeu.(Piéro dékoradja sè chète.Chulà reintre avoui lo vin,takonon a la port
- Chulà :Intra(Djan Tiénè eintrè,saluè li dzin)
- Arnèste :Bondzo,Djan,Tiénè.
- Djan,Tiénè :Bondzo a vo z'âtro.
- Arnèste :Toe vin tchartche l'artze?Boyè l'é pâ débaracha.
- Djan,Tiénè :Na...na...végné vô vè.Lo boutche Dreyein m'a de tie voue volé veindrè la mula.

Arnèste :Mi lè étônein?...Toe voeu marié Chulà?

Djan,Tièné :Na...vouai adzeté la mula.

Chulà :E vouô komprai?Ye voeu adzeté la mula.

Arnèste :E bein adon se ti d'akô lè tô sô tie fau.Por mè lè fran sô tie volé.Toe Djan-Tièné ti on bon luron avoui tè sai chuire tie Chulà sarè trantyla.O...de va no manké,noe sarin proeu on mouè dékotô,noe vegnein enkô dè veindrè la mula.

Djan-Tièné :Kouemein?kouemein?Voué veindu la mula?

Arnèste :O...fi tè pâ dè souci pô Chula,noe vein firè li tzouzè ein n'ô-drè,avoui l'einkouera pô vo fianche è apri noe vein bairè on bon viro.

Djan-Tièné :Mi...mi...,voué rein komprai si tie vô zé de!.

Arnèste :Tiè vouè tie ti vènu,pâ ye.Mi vouarai proeu lo tein dè vo z'ein brache apri!(Tapè su l'épâle a Djan-Tièné)Touénète,va tieri l'inkouera...

Touénète :Mi ti fran malado.T'â rein komprai,fran rein.

Arnèste :Vouè,vouè toe tè dépatzè bien.(Touénète sortè ein sè tegnin la tita;Djan-Tièné sè chète dékoradja.

Arnèste :E bein,to konto fi,sai bien kontein pô vô dou.Voue fidè on bon martcha.On n'a mula deinsè è on n'a boubamein Chulà,on troeuvè pâ tieo li dzô.Derè tie mè sai toti mouezô tie l'ère Piéro tie frekantâvè Chula.Mi d'abô tie lè deinsè por mè lè parai,to drai tie voue si tieo d'akô.(Arnèstè vouidiè a bairè.Touénète aruvè avoui l'inkouera).

Arnèste :Bondzo,Moesioe l'inkouera.

L'inkouera :Bondzo a tieo(fi salu avoui lo tzapi)

Touénète :(sè virè du bi di dzein)Sain Zozè,vèni a nontro soko.

Arnèste :E bein,d'abô tie vouitè tieo intie...Moesioe l'inkouera,voue poeudè bèni li fiansayè dè Chulà avoui...

Piéro :(Sè lèvé d'on kou)Avoui mè.

Arnèste :(to dézinparo)Mi,mi.kouemein,kouemein?

Piero :Lè to simplô simplô sein. Lè yo tie mario Chula è lè Djan-Tièné tie l'adzetè la mula,lè pâ konpleko.E vouè komprai sikou.

Arnèste :{Tzai chètò,è fi dè gro jouai,u bè dè na vouërba sè lâivè è kre; tô fô:Adon toe Piéro toe voeu marié Chulà è toe Djan-Tièné l'ai zètèré pouai la mula pô dou mele fran?(Li dou fan segno dè la ta ta tiè vouè.)Vouô z'é toti de tie por mè l'ère parai.To drai tie voue si tieo kontein.(Sè sèron la man)Bein voue vайдè tie to s'areindzè.Potiè tan sè firè dè bile kan yè pâ manka.

Touénète :(avoui li lègremè)E bein noe vein no z'einnoyè dè la mula.La mula a papa,tie lo bon Dioe lo mètessè ein bon rèpou.Si pouro papa derè tie l'a resko dè sè firè tuiyé pè la mula.

Djan-Tièné :Toe dezé Touénète tie papa l'ai resko avoui la mula?

- Touénète : (ein larmè) Vouè n'a demeindze-ni tie papa lè aouveo avoui on viro dein lo nâ, lè partai bâ u boeu pouô ârié, mi tornavè pâ s'ar-ti innâ: Adon noe sein aito vè tie yérè. Mon Dioe tyinta broeta tzouza n'in yu kan n'in uvè la porta du boeu. Lo silon to krapo l'érè éparpeya i katro koin du boeu. Papa l'érè éteindu darai la porta avoui lo tzapi einfonšo su la tita è treyevè pâ on pia. Nè l'ein pouai porto a maison è tieo uto poe lô sôgne avoui, dè kamomilè, dè poeupedètè dè lin è dè garzin, n'érein épouerdâ dè n'a mouda. A boue dè n'a vouèrba, l'a uvè li jouai ein dzèmèyè pouai l'a démando tie yérè? Mama dé ya rèpondu tie noe savin pâ, mi de sè mouezâvè tie l'ai chuiremein diu sè trompé por arié, è tie la mula, brâmein gatoedoeuza de s'érè débaracha dè yui kouemein d'a pochu. Papa sè sovegnai pâ dè grand tzouzè mi sè reindu konto ti l'ai rèchu n'a piato dè la mula. In ateindein peindein tyinzè dzo papa l'a ju la tita tiuersa avoui n'a droema mein n'a bèla trifla darai la tita. Kan kâkon volai yi prèdje, yi dezai pâssa darai.
- Arnèste : Tyinta dzakata hla Touénète. Mi vouai fodrai yi pardoné. Sein yi fi mau u tieou dè vè parti Chulà.
- L'inkouera : Se yé bien komprai, Chula è Piéro sè marièran a Pâtiè'. (Li dou s'avanšon è fan segno tie vouè dè la tita) E bein ye démando u bon Dioe de li vardé, dè li protèdje è tie sobreson toti d'akô è yi bado l'absoloechon (Li dou s'imbrasson è Touénète fi sim-blàn dè korné.)
- Arnèste : Toe, Djan-Tiénè té dza de tie t'érè on bon luron. Por tè la mula lè pâ dou mele fran, mi mele fran. Mi toe m'areindzèré bien se t'puissè mè paye sein devan Pâtiè pô lo mareyadzo dè Chulà.
- Djan-Tiénè : Sai d'akô (sè sèron la man).
- Arnèste : E bein voue vaidè lè pâ konpleko kan on voeu s'areindje, yè tiè a bien s'einteindrè. Mi, voue mè pardonèrai se yé pâ fran to kon-prai so tie voué de. Por sein tie lè innoyeu d'itrè avoeuglo, bouaitoeu u roematoechoeu. Por mè vô deyô proeu tie fi pâ bon dè vèni sô. Mi ye fau dè tô pô firè on mondô adon atan itrè sô tiè manchô (Sè virè face u poeblekô E a vô z'âtro noe vo deyein : Arèvouè, tan tie a Pâtiè, pô lô mareyadzo dè Chulà avoui Piéro di mouenai.

Rediau.